

**KOMISIJA ZA TUMAČENJE I PRAĆENJE PRIMJENE
KOLEKTIVNOG UGOVORA ZA SLUŽBENIKE ORGANA UPRAVE I SUDSKE VLASTI
U FEDERACIJI BOSNE I HERCEGOVINE**

Na osnovu člana 71. Kolektivnog ugovora za službenike organa uprave i sudske vlasti u Federaciji Bosne i Hercegovine („Službene novine Federacije BiH“, broj: 98/23), Komisija za tumačenje i praćenje primjene Kolektivnog ugovora za službenike organa uprave i sudske vlasti u Federaciji Bosne i Hercegovine (u daljem tekstu: Komisija), povodom zahtjeva Sindikalne organizacije Grada Orašje od 7.5.2025.godine za tumačenje odredbe člana 55. Kolektivnog ugovora za službenike organa uprave i sudske vlasti u Federaciji Bosne i Hercegovine, na 12. sjednici Komisije održanoj dana 20.5.2025. godine, donosi:

O D L U K U

o tumačenju odredbe člana 55.. Kolektivnog ugovora za službenike organa uprave i
sudske vlasti u Federaciji Bosne i Hercegovine

I

Utvrdjuje se tumačenje odredbe člana 55. Kolektivnog ugovora za službenike organa uprave i sudske vlasti u Federaciji Bosne i Hercegovine (u daljem tekstu: Kolektivnog ugovora), kako slijedi:

“Kada se radi o generalnom štrajku učesnik ima pravo na plaću, dok je na dispoziciji poslodavcu da li će srazmjerno vremenu sudjelovanju u štrajku izvršiti umanjenje plaće.”

II

Ova odluka primjenjuje se na sve organe i institucije iz člana 72. Kolektivnog ugovora, čija je sindikalna organizacija članica reprezentativnog sindikata Samostalnog sindikata državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine (u daljem tekstu: Samostalni sindikat).

III

U skladu sa odredbom člana 71. stav 6. Kolektivnog ugovora, ovu odluku su dužne poštovati sve ugovorne strane ugovora.

IV

Ova odluka će se dostaviti podnosiocu zahtjeva i Samostalnom sindikatu putem Federalnog ministarstva pravde.

OBRAZLOŽENJE

Komisiji je dostavljen zahtjev Sindikalne organizacije Grada Orašje od 7.5.2025.godine za tumačenje odredbe člana 55. Kolektivnog ugovora za službenike organa uprave i sudske vlasti u Federaciji Bosne i Hercegovine, u vezi sa pitanjem da li učesnik u štrajku ima pravo na plaću ili ne i u kojem iznosu, u slučaju da dođe do prekida štrajka i ne postizanja sporazuma.

Odredbom člana 55. Kolektivnog ugovora utvrđeno je da učesniku štrajka za dane provedene u štrajku pripada plaća kako je predviđeno Zakonom o štrajku.

Zakonom o štrajku je propisano da se zaposleniku koji je sudjelovao u štrajku plaća može smanjiti srazmjerno vremenu sudjelovanja u štrajku, u skladu sa Kolektivnim ugovorom i pravilnikom o radu.

Shodno navedenom, utvrđeno je tumačenje odredbi člana 55. Kolektivnog ugovora, kao u tački 1. ove odluke.

S obzirom da je odredbom člana 72. Kolektivnog ugovora utvrđena primjena istog u odnosu na organe i institucije na koje se ovaj kolektivni ugovor primijenjuje, utvrđeno je kao u tački 2. ove odluke, dok je u tački 3. utvrđeno da su ovu odluku dužne poštovati sve ugovorne strane ugovora, a u skladu sa odredbom člana 71. stav 6. Kolektivnog ugovora.

Ova odluka će se dostaviti podnosiocu zahtjeva i Samostalnom sindikatu putem Federalnog ministarstva pravde, tj. na način kako je utvrđeno tačkom 4. ove odluke.

Broj: 01-714-54/25

Sarajevo, 20.05.2025. godine


Članovi Komisije za tumačenje i praćenje primjene Kolektivnog ugovora za službenike organa uprave i sudske vlasti u Federaciji Bosne i Hercegovine




Vedran Škobić



Bojana Todorović



Samir Kurtović



Haris Karačić